

ՀԱՅՈՑ ԹԱՏՐՈՆ

Մեր ընթերցողներին մանրամասնօրէն յայտնի են այն մեքենայականութիւնները, որոնց միջոցով անցեալ 1892 թւականին թատրոնական կոմիտէի անդամները, միացած իշխան Նապ. Ամատունու հետ, իրանց ձեռքում պահելու համար թատրոնի գործը՝ փոխեցին կոմիտէի լայն հասարակական բնաւորութիւնը և դարձրին մի նեղ և ամեն տեղ իւր անընդունակութիւնը և ֆինասկարութիւնը ապացուցած զԱՅՏԻ-կուսակցութեան գործ: Բաւական է ասելը, որ այդ մարդկանց իդէալը իշխան Ամատունին էր: Ի չարը գործ զննելով այն հաւատը, որով 1891 թւականին իրանք մի տարի ժամանակով թատրոնի կոմիտէի անդամ ընտրեցին, նոքա իրանց սկսեցին երեակայել հայոց թատրոնի տնօրէն առհասարակ և 1892 թւականին, ինքնազլուխ կերպով նոր պայմաններ զննելով ընդհանուր ժողովների անդամ դրւելու համար՝ իրանց համախոհների միջոցով նորից ընտրեցին, իրանց ընկերացնելով իրանց պէս մտածողներին 1892/3 թւականի թատրոնը կառավարելու համար: Հասարակական գործին օյդպիսի ոգեղ կերպարանք տալու դէմ եղած նախազգուշացումները ոչինչ չօղնեցին: Դորա հետեանքը այն եղաւ, որ նորընտիր կոմիտէտը իւր դէմ լարեց հասարակութեան մի մասի ատելութիւնը և զրկեց նորա թէ նիւթական, թէ բարոյական և թէ մտաւոր աջակցութիւնից: Դորա հետեանքը եղաւ այն, որ թատրոնը 1892/3 թ. սեզոնի սկզբից արդէն սկսեց կաղալ և դեֆիցիտ տալ: Սկսեցին տարածայնութիւններ կոմիտէի անդամների մէջ, որոնց վերջ տուղը պէտք է լինէր իրանց ընտրած ընդհանուր ժողովը: Բայց որովհետեւ այն ընդհանուր ժողովը, որը նոցա ընտրել էր, ինքը մի մախինացիայի ծնունդ էր, ուստի կոմիտէտը հարկ չհամարեց նորան զիմել, այլ ինքը իւր մէջ լուծեց: Կոմիտէի

անդամներին մէկը, որ նիւթական կարողութիւն ունէր, խաչտառակութիւնը կատարեալ չդարձնելու համար, իւր վրայ վերցրեց գործի շարունակութիւնը մինչև սեզոնի վերջանալը, բայց գործին երկդիմի կերպարանք տալով. ոչ ոք չէր հասկանում թէ նա իբր մասնաւոր անտրպրընէօր է գործը շարունակում թէ յանուն կոմիտէտի կամ յանուն իրան ընտրած ընդհանուր ժողովի, հետեւապէս անորոշ էր թէ նա պարտական է հաշիւ ներկայացնել թէ ոչ: Սեզոնը վերջացաւ, բայց ոչ լուծւած կոմիտէտը և ոչ էլ թատրոնի կառավարութիւնը շարունակող պ. Ենիկոլոփեանը հարկ դատեցին ընդհանուր ժողովին հաշիւ ու համար ներկայացնել: Եւ ահա այսպիսով 1891 թւականին այնքան լաւ սկսւած գործը վերջացաւ կատարեալ բարոյական սնանկութիւնով, շնորհիւ ինտրիգանների այն բազմութեան, որով դեռ ևս այնքան հարուստ է մեր հասարակութիւնը: Անցեալ տարւոյ դէպքերից յետոյ այս տարի ընդհանուր ժողով կազմելը ընդհանուրի մասնակցութեամբ, այսինքն այն հիմունքներով, որ դրւեցին 1891 թ., անհնարին եղաւ: Անցեալ 1892 թւականի կոմիտէտ ընտրող ընդհանուր ժողովը ունեցաւ իրան արժանի մի օրգան, յանձին նախկին կոմիտէտի, որը ապացուցեց թէ որքան տաղանդով կարող է խաչտառակել թէ իրան, թէ իրան հաւատ ընծայող հասարակութեանը և թէ միանգամայն հասարակաց գործը ինքը:

Ոչինչ չկայ զարմանալու որ այս ամռանը նշած փորձերը՝ նորից վերականգնել հասարակական բնաւորութիւն կրող թատրոնը — ապարդիւն անցան: Հասարակութեան փոխարէն այս տարի, թատրոնի գործը շարունակելու համար, ասպարէզ են դալիս մի խումբ դրամատիկներ, որոնք իրանց վրայ են վերցնում ամբողջ պատասխանատուութիւնը:

Յառաջդիմութիւն համարել մենք այդ չենք կարող: 1891 թւականի ձևով թատրոնի կառավարութիւնը բաւականի նպաստաւոր կերպով կարող էր փոխարինել մեզանում դեռ գոյութիւն չունեցող թատերասիրաց մի ընկերութիւն: Այդ ձևով հասարակութիւնը կապւում էր թատրոնի հետ աւելի սերտ կապերով, միջոց էր տրւում կառավարչական ոչժեր յառաջացնելու, մի բան, որ անհրաժեշտ պայման է ապագայում թատրոն հասկացող մի մեծ հասարակութիւն ստեղծելու. նա նախադուռն էր ապագայ թատերասիրաց ըն-

կերութեանն: Այս տարւոյ թատրոնական կառավարութիւնը իւր ձեռով նոր չէ, այլ կրկնութիւն է այն բանի որ կար 1886/7 թւականին, երբ երեք կապիտալիստներ՝ Գ. Փրիլոնեան, Եսայի Փիթոյեան և Ա. Մանթաշեան մի տարի իրանց ռիսկով վարեցին թատրոնը, բայց ղիֆիցիտ ստանալով՝ կամ զուցէ նաեւ այլ պատճառով, ետ քաշւեցին նոյն իսկ յաջորդ տարում: Մի-մի տարի գործը տանելու համար այդ ձեւը ղեռ կարելի է ընդունել, բայց նա չի ունենալ այն յարատեւ և դաստիարակիչ նշանակութիւնը մեզանում, ինչ յատուկ է գործի հասարակական կառավարութեանը:

Այդ բոլորը, ի հարկէ, չպէտք է խարգարէ որ այս տարւոյ թատրոն կառավարողները իրանց մեծ հոգսը շինեն գործը յաւ տանել, հաւատալով գործի ղեկավարութիւնը մտահեղի անձերի:

Լ Ո Ւ Ս Ի Ն Ի: